

四庫全書

史部

欽定四庫全書

欽定南巡盛典卷十四

天章 乙酉 江南 山東 直隸

詩

迴蹕至蘓州

廿日如杭來往途翠華迴復駐姑蘓一天霽色皆喜色
萬姓難誣實不誣瞻就何曾有所避遮留寧忍弗云俞
近行宮門有數十老民叩
請多留數日心甚憐之 甫來已自戀將去赤子於親

定豈殊

再遊獅子林

本擬行宮一日閒念民瞻就策天閑

是日本欲駐蹕不出以便民瞻就故

特命駕一遊獅子林

寧論龍井煙霞表

若論湖山佳景則固遠遜龍井矣

却愛獅

林城市間古樹春來亦芳樹假山歲久似真山小停適
可言旋耳寓意非因暢陟攀

出閭門復遊西山諸勝遂駐靈巖得十四韻

五日駐金閭從民願覲光寧宜耽室靜非為去聲攬山芳

日日徐鳴轡依依近捧裳覩茲親切意益厘養教平聲方
城市過繁庶村亭接短長麥纔吐穗綠菜遍綻花黃斲
憶支公遁泉臨趙氏莊巖葩爭染繪林鳥各調簧春暖
雪猶落澗飛千尺強法空螺自現寺具四禪匡小坐情
何戀一遊興足償范園便仍憩吳館近相望擬宿三更
月聊成五字章青蓮如有問來去兩俱忘

白雲泉四疊白居易韻

山腰清泚噴靈泉白傅當年好是閒一覽便行不烹茗

恐妨煙火溷其間

上方山楞伽寺

路便楞伽又竭來峯巖陰霧記前迴目欣春景茲酣暢
心與吳雲共豁開出樹依然標峻塔臨湖那藉起層臺
莫釐翠色在襟袖興托高岑有別裁

遊石湖再疊舊作韻

石湖宜雨復宜晴都為去聲山川秀且清詎彼畫家能爾

貌縈予懷者最民情幾層峯色背檐梔一片波光面座

迎小坐因之憶成大愛他詩格頗適平

遊虎邱雲巖寺

雲巖重至不因山露冕因民瞻仰顏虎阜松篁晴益蔚
劍池蹊逕昔原閑生公願力依稀是短簿風流想像間
遍野黃金菜花茂今來真不負躋攀

再疊高啟虎邱次清遠道士詩韻

清遠非凡人生殷而逮漢四海為遨遊有似仙籍竄曾
攜沈恭子虎阜來登翫危磴陟差我平湖俯渺漫清辭託

鬼神古格泯崖岸常聞子不語怪力與神亂顏

真李德卿裕

皮

日陸龜蒙

革母乃失以半豈其意別寓曠懷偶紓散青

邱千載下險韻和一旦而我復何為兩度揆吟翰吟罷
忽怵然或有同高歎設使登廟廊寧不資日贊

蘓州啓蹕作

翠華五日駐蘓城適可平明返蹕旌展義兼應臨白下
省耕要欲趁春晴攀留親意過

平聲

尊意觀察民生即我

生却是尋常無戀者不能無戀此與情

遊寄暢園疊舊作韻

勝地寧當日送鴻屢來熟路自知通
一橋橫駕琉璃上
數字迴懸琬琰中
景到春前畫不若境惟塵表句難工
書堂小憩傳清蹕欲趁佳辰禮梵宮

漪瀾堂疊前韻

泉上呀庠宛有堂
髯仙題額特輝光
源頭如在若冰洞
波面看成大塊章
木榻橫陳一泓映
石欄周繞四圍方
未能久此耽清賞
祇有勤民屋念長

若冰洞

靈泉本有源嵌洞自為丁夏涼冬却溫德水無增減伏
脈復淙津水洊至習坎醺為方圓池淨碧圍朱檻前度
與今番流陰信往苒不遷者固存磴磴及澹澹草堂何
處尋高風緬宋湛

艤舟亭再疊舊作韻

髯翁遷八州浮踪不繫艇其不遷者存至今遺佳境當
年艤棹時水流人自靜個儻緬高風徘徊發清省孤舟

野宿際

東坡有除夜野宿常州城外詩蓋即此意

遠火殘燈景

藥括蘊詩意

屈短

奚足悲信長詎非幸棲禪固翁志想亦心所肯松竹益

深邃鐘磬時泠警堂堂坐金仙伏魔那用猛雖曰此頻

來而每興懷永得句便解纜五兩揚帆影

自丹徒跋馬至象山渡江駐焦山

三度駐金未駐焦

辛未丁丑壬午往來渡江皆駐金山焦山雖屢到曾未一駐

隱虞

頓置笑松寥

庵名在焦山

迴鑾得趁一時興策騎偷逍十里

遙

是日較至金山近十里

信是無雙棲淨域還因有暇陟崇椒水

天俯仰惟空濶小矣奚稱隱士招

鏡江樓

有象皆呈照無風亦作瀾何妨大圓鏡遂凭一層欄雲
散高空淨湖來兩岸寬金山即蓬島訝却向西看

曠觀堂

構屋古譙尖曠觀暢六魚雲開繪春麗風靜寫波恬天
水無邊濶蛟龍一任潛迷懷誰雅稱去聲花筆緬江淹

高資港詠古

京口東辭舫石頭西問郵高資今有詠庸主昔無憂一
旦燕兵過千屯明甲收

謂守將童俊迎降

孝孺乏畫策割地足

佳謀

慧居寺

梵宇寶華陽莊嚴殊勝常石壇授五戒銅殿壓諸方庭
有禽聽唳厨多鼠守糧

香積中多鼠呼之即至而不耗糧蓋僧雖飼養者

謝參

黃蘗拂期結白蓮場輪演無生法燈傳不盡光廻輿渡
耨水清磬尚悠揚

遊棲霞山疊舊作韻

三載重來遊攝山紅霞棲見碧峯間南齊古寺依然在
建業名區好是閒付與僧人坐享逸登其鳥道步忘艱
騁懷遊目須臾得長此非宜大合閑

武夷一曲精廬

名山初步未云深峯有神姿泉有音比似武夷纔一曲
許多奇境自茲尋

太古堂對泉有作

座對白鹿泉有堂名太古泉高與座平遊魚清可數漸
下滙小池亦復侵堦礎求仙固誕事招隱徒虛語緬思
羲皇來不改者惟汝

春雨山房

行春今日喜春晴總為

去聲

民間桑與耕分付山房斯實

好再三不用善循名

用劉長卿棲霞寺東峯尋南齊明徵君故居韻

世殊數百載厥宅訪何從但自存高致無妨問故峯入

雲尋玉徑鐫石現金容春日重臨寺六朝尚有松影標
霞際塔聲落講時鐘唐吏將齊隱忘年任相去聲逢

夕佳樓

面山則然背山否向西更喜開窻牖山氣日夕斯益佳
霞蔚嵐蒸入虛受悠然之意真不凡取以名樓聊亦偶
柴桑平原出處同吁嗟於我誠何有

萬松山房

餘杭亦有嶺田盤亦有寺茲以山房稱四隣延古意春

濤颯似秋蒼幹老益翠時閱南齊流艷任山花媚落落
如有云誰此同氣類

戲題般若臺口號

般若即空還即色石臺非古亦非今山僧舉似全不識
合掌門前候駕臨

德雲庵

點綴蒼巖藉紺園竺庵爐火自溫存德山設問誰當見
謾謾松濤戶外翻

題九株松

古幹當春翠越濃蟠鱗振鬣各猶龍
根旁坐合讀周易用九乾元是正宗

疊浪崖

浙海觀雄濤卹謂奇無比誰知遊攝山
崖浪復見此崖省去更迴騰激伏還起
素車與霓旌胥種疑驅使盡態
兼極妍萬狀難議擬莫謂獨無聲
傾耳松濤是

題幽居菴

詭石叢中仄徑修惟虛惟靜得相投千年古樹當軒立
一道寒泉繞砌流休烈曾斯著荀弁元微何異被文裘
小停門外催行蹕笑問幽居幽不幽

登最高峯

幽居跋馬上崇椒造極悠然憩敞寮與顥氣俱即仙境
喜春雲淨協農謠平臨白下懷遺蹟俯視長江映碧寥
山峙川流自千古那知興廢有南朝

玲峯池

最高峯處降從容咫尺園門覲面逢下馬肩輿仍陟巘
園中此又最高峯

玲石攢叢中有池滌然天半鏡光披誰能尺丈量深淺
山出內雲無已時

清之不濁澄不清妍及媼因鑒者呈此與繖山孰先後
其詳應問尹先生

攝山名始尹先生見江總碑記

燕子磯

一峯飛插長江裏其勢翩翹疑燕子我來四度亦四登

翠壁丹崖信如綺地險山川雖有言失守誠同衣帶水
凜乎馭朽磐石安底湏天塹徒恃此

遊觀音山永濟寺

飛閣臨江寶筏然普門願力度人天我聞不住是常住
底用孤舟鐵鎖牽

是處俗有鐵鎖
鍊孤舟之名

駐蹕江寧再疊舊作韻

又歷胥江與浙區上游建業蹕當紆六朝文物於斯盛
南國提封莫此都高下山川爭畫麗芬菲草木賀春蘓

對時曾未相孤負恒有懋勤研匣俱

賦得稼穡惟寶

得夫字八韻
試江南士子題

稼穡資生貴如斯寶更無賦成范文正雅述為良夫第草
興后稷耕山肇有虞此誠天下本亦實萬民須播植披
沙似豐登照乘逾心臧土物愛志喪旅葵吁暘雨常祈
若胼胝莫忘劬珍求宜戒彼玉食每慙吾

謁明太祖陵

崛起何嫌本做僧漢高同傑又多能每當巡省臨華里

必致勤虔謁孝陵一代規模頗稱樹百年禮樂未遑興
獨憐復古非通變翻使燕兵釁可乘嘗謂太祖以建文為太孫及分封諸
子豈非欲復古而翻以致禍使擇賢而即立成祖且不分封豈有靖難之事哉

遊靈谷寺

孝陵卜幽宮靈谷遷古寺遷復閱歲古瓦獸荆榛墜後
人惜湮滅稍稍事檀施豈能復舊觀百什存一二道林
與開善誰更辨名字一切有為法金剛六如蔽小憩便
言旋行雲無繫意

閱武

江寧

江左雄都駐八旗時巡武備合觀之開營頗牧宣方畧
置陳韓彭聽指麾平樂何須九重蓋昆明慢襲一泓池
太平門箭今猶在

太平門鐵扇有勁簇貫其上國初領兵都統譚泰所中也土人因口傳為

澹臺
箭云

嗟爾行間最効為

雞鳴寺

雞籠山上雞鳴寺閱武因之路便遊峯不在高頗延矚
境惟遠俗有相投初登舊詠疑如迓小坐春雲看漸收

是日小雨即止

正喜晴光開一片綠芄麥處放眉頭

遊清涼寺

山寺夷巖俯石頭行春得暇偶來遊入幽已自清塵念
造極還堪縱遠眸禁苑昔年何帝宅長江千古客人舟
便蓮宇亦時興廢一切有為孰久留

朝天宮再疊蘓軾韻

眉山當日憶茹薇建業登樓興早歸七字詎惟紆思去聲
作千秋何獨和吟稀吾方夏諺懷遊豫那向陳編辨是

非紙牒金刀却隣誕

明史紀事本末傳會建文遜國時出明祖遺篋得度牒袈裟帽鞋刺

刀出會於神樂觀云云以所經鬼門水關計之神樂觀當即今之朝天宮然其事荒怪無稽固不得為正史傳信也略傷往事立斜暉

大報恩寺

城南耆域化人居古蹟金陵莫此如石鼎然香超六度
柏檀聞唄辨三車鈴音替戾飄洪漢塔影穹隆接碧虛
小坐旋教清蹕返觀民展義務殷予

戲題雨花臺

聞道文殊問病由
雨花摩詰坐無留
法師便果誠能致
已落人間第二籌

江寧旋蹕再駐棲霞作

巡方諸典大端成
戒在從流返旆旌
鍾阜迴看林外隔
攝山乍見面前迎
一宵巖館聊眠月
萬頃麥田喜烘去聲
晴詩句已多圖靜
賞景光其奈每牽情

再詠沈德潛遊攝山十二首詩韻仍令沈德潛並
錢陳羣和之

金山坐棲霞前設大圓鏡那藉綵虹橋方臻武夷勝韶
春復南巡績茂旃旌映建業諸務畢重事採幽覓入門
先濯清天水當前淨憶革不觀魚一任澄波泳

右綵虹明鏡

繖山迴絕塵幽居幽之最然逢濟勝流何礙蹊成覓往
者尹與沈清邀並肩背憩息長松下甘棠擬勿拜倡酬
因有詩興託清涼界郵箋曾和韻又逾兩年外

右幽居

噌嶠背屏峯，洩湊面帶澗。精藍構其間，棲霞之別院。七處徵惟心，六度滿以願。天花散淨芬，甘露垂法澣。中峙般若臺，津逮廬溪汭。可同慧遠修淨土，乃真幻。

右般若臺

一氣鬯百昌，洪鈞善陶冶。山中亦有桃夭天，而灑灑靜非時。世裝是真阿蘭若，精舍忽對之窓前。數枝寫齊隱，晉徵士其致豈殊也。

右桃花澗

對峯構書閣借峯為屏障高下鑿金仙一一皆殊相小

巧笑鬼工大法營天匠北同居庸側南憶靈隱上

居庸關及

靈隱飛來峯皆有鑿石佛相

於密斯退藏六合斯彌放詎曰始僧紹

廼有此奇狀叅禪實無暇或可一憑望

右紫峯閣

徐鉉曾有言古者冠無帽江左始著稱燕居便私好題

峯殊不稱

去聲

有似緣木釣我為易玉冠俗名一似掃老

沈屨有詠精神乃畢肖何必定烏紗嚇彼官途耀

右玉冠峯

跋馬劣崩間周旋多石佛峯迴路轉處滿月殊不一化身豈無謂蓋欲普濟物物無不度盡寂照坐巖穴試看春景昌熙登寶筏曰相即非相慈雲亦須豁

右千佛巖

曾觀會圖圖九老松其色茲松乃九株落落性孤特或貌彼九人永壽無終極沈亦九之一祝嘏沐恩錫辛巳恭逢

皇太后七旬大慶集在朝諸王文武及致仕大臣年七十以上者為九老凡三班並繪成圖德潛即致仕

中之一也今古豈迴殊延年在貞直小立佳蔭側偷閒偶遊

息底事頻命賡愛卿有古格

右九株松

疊石豈人工富媪為

去聲

皴皴稱浪自何時太古此起伏

舒如匹練鋪急似萬馬驟變態既不一在川忘陟岫固
宜隱者棲那杜詩客走奚必冷泉亭始聞嘯猿狖

右疊浪崖

萬松闢林闕欲故意先肅委宛步深逕曲欄縛野竹太

古以來色三春不知燠疑有偃佺蓬方瞳髮飄綠將擬
與之言謏風下巖谷

右萬松臺

幕府識泉性剪草剔泥滓聚少勢成多疏闊流因駛就
中白鹿最一泓院牆裏導出灌鱗塍資潤不計里實足

惠農氓春省為去聲斯喜

右白鹿泉

知有最高峯進步力須努天風落碧空萬籟奏叢楚嶺

岌夫何礙緩轡跋予馬俄亦造其巔北瞻俯江潁南眺
形勝多盤龍復踞虎六朝事已紛慨然一弔古重賡紀
再遊那辭雷門鼓錢起不可默謦戕因孟姚
陳羣與德潛並居林下吟眺之興畧同而是篇尚闕和作因示此督之

右最高峯

渡江至金山

江浙載巡狩典成清蹕還觀民胥敬事問景敢偷閒烟
意桃霞表晴光麥浪間南風送五兩片刻達金山

靜瀾堂

玉嶼大江中
蘭堂曠望通
氣連巫峽白
日湧海門紅
何必懷觀水
恒斯遇息風
四巡庥祉疊
益勵慎淵衷

渡江駐蹕高旻寺行宮作

蘭舸渡江津
花宮及暮春
毋奢仰

祖訓

恭讀之句序復引漢文惜露臺事以示維揚商民

皇祖御製行宮詩碑有莫遣爭能縱慾奢

訓深切允宜遵守云
有事此躬巡
機鑑惟勤政
情田祇厪民
覲揚

瞠後矣

魏蕩共

高旻

題大觀堂

江浙省方廻三春蹕館開
白綿飛苑柳青子綴庭梅
旌茂于焉憩琴書此重去聲陪
循名玩辭象顯若益深哉

遊平山堂即景禪詠

去時春仲來春暮真是春光
馬上看祇有風流賢太守
千秋名在碧峯端

北瞻崑軸廣陵南園倚虹橋鏡影涵設使武夷徵故事
便當九曲自茲探

綠柳陰濃曲岸頭緩移畫舸惠風柔青琅玕館凝神盼
誰道尋常竹有秋

侍衛銀牌賜老人渴恩便奪亦情真可知半日行春舫
不為閒遊為省民

暖香明艷正含嘉幾架雲棚護惜加不讀廬陵歐氏序
誰知天下有真花

麗日輕風喜朗晴
麥田吐穗待秋成
今朝功德山頭望
始覺吾心暢快生

平阜池堂俯碧漣
已看荷葉出田田
傳花命酒圍嘉客

即歐陽修在揚州事
高致當年在眼前

坐惟片刻未斜暉
問景聽稱馳驛飛
尹繼善每稱遊山似馳驛然過而不

留賓予本意耳
短句八章聊紀事
足酬佳興可言歸

維揚旋蹕作

南巡往返路胥經
古郡因教兩日停
三月煙花雖入畫

邗溝春水合揚舠民情到處皆親愛我意無時忘撫寧
最喜雲消輝旭影宜暘夾岸麥蔥青

過金灣六閘書事

西灣接東灣落低向所命

上次南巡親臨金灣相度以東灣滾壩前已落低命將西

灣亦落四尺俾湖河入江之路益暢而其鍵要尤在視高堰水誌展拓清口為釜底抽薪之計五壩始無溢漏下河田田廬頗資利賴

常瀉運水餘入江斯捷徑絜要實清口尺

寸為

去聲

親定五壩無漏卮下河屢豐慶憑舟觀局勢幸

矣籌偶應更張亦奚必多言徒啟競顧語司河臣守之

仍在敬

洪澤湖四依

皇祖詩韻

南巡四度事非虛
洪堰籌安淮及徐
頌致萬民益增愧
詎予信實及豚魚

閱接築高堰隄工詩以紀事

一律甄工運口連
崇墉憑閱實牢堅
歲功即在迴巡後

高堰石隄為洪湖防障而武家墩迤北以工緩未修癸酉秋漲危而復安因命築以甄工千餘丈俾資扞禦壬

午親莅指示復命自執工止處一律接築屬於運口該督於廻鑾後鳩工修築茲臨閱視則堅甃屹然延亘益覺緩急可恃前所籌定準五壩水誌暢開清口又幸邇年未遇霖潦湖水未致侵溢然伏秋拍隄之水究在隨時宣洩得宜斯則河臣所應加防患要於未事前平日之意而不能一刻釋諸懷者也

原常見渚出汎時云每到隄邊雖然清口籌疏淪南望

夏秋心總懸

四依

皇祖閱河隄詩韻

巡方兩閱月渡瀆逮還宮吏治課惟悉河防厓莫窮洪

隄千載固運口萬艘通

祖

考垂經制真同

天地功

渡黃河述事

無風更戢浪鼓柂不移時屢奉

大安渡均邀

明貺垂

豫遊良已愜

尊養合從茲

敬念 皇太后高年不敢復奉以遠廵江浙矣

南望渺烟樹民情

繫我思

桃源耕者

辛未過桃源高斌奏曾記云此地耕者猶能存古制鳴
鑼合羣力相與勤種概不獨其言然隄旁呈覽試此實
任卹風因之紀五字丁丑及壬午兩度經斯地未逢向
所見茲用諮大吏

問之大學士尹繼善始云不知
後復博詢屬吏皆稱無其事則稱

行實難而且無其事斌豈欺予者蓋受人欺蔽觀過可知仁重吟誌詳細

安瀾

龍王廟再疊舊作韻

德水方遵陸

上次南巡迴蹕由順河集登陸今則乘舟直至德州便於沿途閱視運河情形圖

因閱運河蘭舟溯溜桂棹艤清渦放淤兼觀績

是日小駐

御舟登岸詣廟瞻禮兼閱夏家馬路放淤工程

升香謝薦歌千秋垂

聖額

廟懸考御書額

皇

三度此欽過予意望非別

神麻冀曰何安瀾佑黎庶洪瀆永寧波

過伊何入運口

圖欲瀉微湖尾閘大疏治韓莊閘迤西伊河就下利其

餘彭潘口均自荆橋出前年率剔鬣魚臺金鄉多涸地

即今過伊河入運實暢遂然上源來少濟寧臨清水虞

匱顧漕慮棄農農顧防漕棄籌政所以難兩全益艱致

舟行入山東境

去時遵陸返乘舟一水殊分徐魯郵是日晴光明翠柳

前旬雨澤渥來年北河漕務心勤度入聲西郡民風目始

謀運河一帶為山東西境濟運籌農胥要計戒更張亦厘詳求

韓莊閘

韓莊實洩微湖水籌涸金鄉魚臺閘建新魚臺金鄉諸縣之水皆匯

微山湖夏秋坡水漲溢魚臺一帶每多積潦之患既疏伊家河以醢其流並於韓莊西岸建滾水石壩以殺其勢甲申春撫臣崔應階請濬治微湖下游因命故協辦大學士公兆惠前往會勘以湖口舊閘宜洩未暢議於舊閘北添建新閘使湖水暢流入運閘成而數縣瀕湖沮洳悉皆涸出民得賴以乘時耕種濟運利農

期兩益每因觸境憶賢臣

過荆山橋

橋長三里計納水原自寬侵尋沙淤之微湖去路艱因
之事疏剔本圖洩漲瀾沙弗遠運去積隄齊橋欄占河
十之六功同不疏然大吏前致辭已足受漲川徒觀隄
以外齊橋芄麥田橋建苟非虛河疏功乃捐二者必居
一吾心寔未安於凡待目擊吁嗟此實難

渡黃河至徐州

彭城深屋念有事閱河防枉駕遵陸坦進舟日未央

天光澄映碧川氣鬱蜚黃浪盡邀

神佑滋因敬不遑

閱徐州河隄有作

南固石堤北土隄

徐州當大道之衝向年屢經水患丁丑南巡親臨閱視命於河南岸添甃

石隄俾緩急益足恃而北岸土隄則戊寅夏遭大學士劉統勳來徐相度議築以禦漫流而東河勢使攻沙者也兩隄既成城郭民田皆資利賴連年頻獲豐稔閭閻景象恬熙巡蹕經覽深為慰悅

利農護國

備俱齊今來不藉多籌畫祇覺民生益暢兮

題黃樓三疊蘓軾韻

疊險寧非滕口說每過蘓詩興軒發黃樓三登可默去

却慮格卑緣手滑遐想當年事修築豈有閒情辦布襪

東坡詩已辦布襪青行纏

隔時水退遇重陽把盞對花恣豪呬憶我

丁丑始蒞此急葺石堤舉籠鍾是時災餘百室空鵠面

鳩形可憐殺壬午重來則改觀雲龍酬惠起神刹

徐城河隄

自丁丑親臨相度各工修舉數年來閭閻生計滋阜因就雲龍之岡勅建惠佑龍王廟用申報貺

田有

農夫荷鋤耕屋有織婦鳴機軋即茲元氣實大復倉庾

陳陳相因壓為民愁亦為民慶城樓堦堦俯壓壓綈綈

清閒命墨娥錦屏馥郁噴金鴨旋教清蹕轉行宮老幼
歡隨走靱雪

惠佑龍王廟疊舊作韻

盛德贊

天繹鴻功著地宗一方賴呵護三拜肅儀容民氣誠云復
神歌益致恭著乾得九五雲起定從龍

遊雲龍山

蜿蜒如龍從以雲剛過細雨滌埃氛高踪那慕張隱士

佳致猶思蘓使君樹裏有禽皆雅韻巖間無卉不清芬
閭閻元氣洵稱復羣擁鑾輿共爾欣

試衣亭三疊蘓軾韻

寧同歸去賦吹衣赴選忽忽趙夕暉身共山人

謂張斯天驥

則託心隨旅客

謂張斯厚

彼馬飛

戲題放鶴亭

雲龍瀛嶼虎邱巔都有亭因放鶴傳我亦山莊聊仿作
祇虞貽笑彼胎仙

渡黃河有述

侵曉庭柯風勢颺登舟頓爾靜陽侯屢蒙

天貺昭

神貺自問何修益勵修波浪不生活水性隄防惟固盡
人謀南巡狩禮於焉藏獨民情戀尚留

金鄉魚臺民以涸田得種謝恩詩以紀事

微湖昔倒漾數縣被災連金魚為尤重有釜常嗟懸甌
常豁糧賦豈似慶逢年昨從撫臣請為之疏荆山

金鄉
魚臺

皆瀕微山湖向苦湖水泛溢窪田悉沒於水既穿伊家
河增置韓莊壩牖以殺其勢甲申春復允撫臣崔應階
請濬下游之荆山橋以資宣洩數縣
積潦田畝次第涸出民得賴以耕種先是隄徐北黃流

免泛川

黃河至徐州而窄河員每持束急易漲之說聽

勢不暢戊寅夏始於徐城北岸築土
隄黃流乃不旁溢湖水得疏消無阻諸水得就下漸見

有涸田迴舟溯運河萬姓兩岸邊言謝汝固耳言慚吾
猶然奚如豫籌畫免此遭迺况慮去路多來源已覺

艱漕渠亦要務何非政所關

微湖雖患其漲溢然漕艘
北上亦藉灌輸之利蓋淺

多固有益民田而漕少又恐防運道事
誠有難於兼善者既慰之餘彌復厯念展轉厯民瘼事

蓋鮮兩全

過濟寧州

州城雄枕運河濱，珠勒徐驅覲萬民。總以平居恒厯念，

那因初識始相親。

南巡迴鑾向從陸路，茲始御舟初過州城，萬民尤覺歡迎。

豁糧爾

縱謝誠切。

前以頻遭潦沴，凡低田受水者皆與豁糧。老幼聚集叩謝。

登席吾猶愧是

真李杜詩情高萬丈。

州城內太白樓為賀李豪飲蹟，城外南池即杜甫與許主簿遊處，有

少陵祠。

摘詞即境却逡巡。

登太白樓

岑崑高閣俯城闔名字猶傳太白真善釀者汪信知已
舉觴惟賀是佳賓良辰漫惜方春餞勝蹟初探返蹕巡
禹戒常遵惡旨酒醉歌無事取斯人

題南池少陵祠

任城南郭有南池古蹟猶傳老杜祠喬樹那知春已去

閒庭不覺步前移何期此日仍瞻斗

唐書稱昌黎文泰
山北斗吾於子美

之詩
亦云

可惜先生未遇時却異東坡頻疊韻

南巡疊蘓東
坡韻獨多

斯人前豈易言詩

再詠南池四首

到處

平成仰

禹功崇碑五字厓河工

康熙乙丑年建碑亭恭
勒皇祖閱河隄詩

益殷此日

覲揚志敢曰

當年巡狩同

淥波一片澹南池樸室三間潔葺之筆研精良待摘藻

却吾今日畏言詩

詩仙詩聖漫區分
總屬箇中迴出羣
李杜劣優何以見
一懷適已一懷君

千秋遺跡以誰芬
咫尺城南靜不紛
何事尋常許主簿
却教名字附青雲

題分水

龍王廟

清汶滔滔來大東
自然水脊脈潛洪
橫川僂注勢非迂
濟運分流惠莫窮
人力原因

天地力河功誠擅古今功

人皆知分水為白衣老人之力而不知實天地自然結局勢於

此衆不能識老人特能識之耳非但此也上古聖由來人教耒耜作舟楫何一非因天地自然之功用哉

大巧原非巧穿鑿寧知

禹德崇

北來

北來日日驗農耕
夾岸農民喜氣迎
麴麥秀齊惟待實
黍禾種遍已抽萌
早知春澤高低被
近覺炎風塵土生
畏雨情纔忘幾日
旋去聲為望雨又何情

策馬過東昌府

南邦逢郡邑按轡便民瞻

南巡渡黃後即循川途御舟惟過郡縣城郭必遵陸策騎

經行既覽閭閻景象兼便民瞻就茲過東昌仍傲行之

運路茲經歷乘舟肯已快

策驄惟一例隨銓更多添親愛不謀合熙和著處覘平

原攬城市光嶽俯樓檐

光嶽樓居城之中重檐高聳可以延眺為蹕路所必經因一登

覽則闌闌恬熙郊原豐沃燦然在目

共治二千石益思慎選廉

登光嶽樓即事

層欄傑構入雲區聳峙城中鎮四隅高下耕桑俯沃野

北南水陸接通衢虹光奕奕扶梁煥泰嶽巖巖菴牖鋪
長記短詩粗讀遍子安牛斗句曾無

光望為同為異區又稱東北據城隅

一統志載望嶽樓在聊城縣東北高

巖雲表今名光嶽及閱東昌府志則光嶽樓在府城中而城東北隅又別有所為望嶽樓者茲以巡蹕經行始知其件百聞不如一見紀載之不足信大率類此從來多舛惟冊府且自清遊

歷箭衢

魯仲連蹟亦在此城

却喜閭閻頗繁庶嫌他屏展太陳鋪

牧臣咨爾盡心者察吏安民似此無

臨清舟次襟詠

南來一水貫城闌北去三朝川路循

水路三程便至德州由陸路旋驛

歷遍山東五十閘節宣深計緬前人

板閘洪波瀉呂梁云綠蓄水灌溪塘

臨清設輓板二閘以節宣南來之水

舟行遙進上閘啟則下閘閉俗稱灌塘因其地勢建瓴蓄久而啟流頗湍急舟非牽挽不能過也因思

天下本無事子美詩中道已詳

衛水西來挾濁漳滙川北注色微黃更無關鍵資宣蓄

過臨清則無閘直達德州順注乘流直進航

幾度溯洄復溯遊通漕實藉古人謀善經理自足輸挽

冒險何須海運籌

雨四月初十日

西風一夜無雨望侵曉誰知送雨來不似江南慮過矣
恰當夏首曰時哉滿船畫意全含潤兩岸詩情喜不埃
過午欲晴露二寸雅予蜀望又徘徊

曉涼

前朝劇嫌熱過雨頓生涼無定如斯幻有恒原是常汀
蒲梳霧氣隄麥浴曦光破冷塵屐坐從民渴望償

船首
露坐

夾岸老幼趨隨歡呼瞻仰每入舫室
民若失望憐其誠冒涼有所不避也

御舟至德州仍命親藩恭奉

皇太后由川路迴鑾是日登陸即事有述

登陸遙臻勅政機由川

頤養奉

慈闈南巡典禮斯全備旬日

晨昏此暫違去轡未瞻柳梯茁迴鞭倏拂麥芒菲前朝作

雨微嫌少大霈希資實粟肥

南巡迴鑾駐蹕御園之作

往還水陸六千里春夏推遷百廿朝望埭早無爭色卉
聽林已有試聲蜩對時展轉希膏雨勅政傳宣覲庶僚
鳳舸仍遲到三日潞川欽溯一心遥

恭迎

皇太后駕至暢春園即事得句

翟舫昨當駐潞河不眠數問夜如何策驄心切誠權迂扶
輦躬承


顧語和宣為

去聲

映階翠展葉榴如報節絳舒柯決句依戀

一朝慰繞

膝由來樂事多



欽定南巡盛典卷十四

欽定四庫全書

史部

欽定南巡盛典卷十五

詳校官兵部郎中臣孫球

欽定四庫全書

欽定南巡盛典卷十五目錄

天章

十五

乾隆四十五年庚子

御製古今體詩

欽定四庫全書

四庫全書

卷十五目錄

欽定四庫全書

欽定南巡盛典卷十五

天章

庚子

直隸

山東

詩

南巡啓蹕四疊前韻

有序

十六載溯懷繫念莫申蒼赤之誠三千里積悃就
瞻難却東南之請矧清弱黃強之久悉復南圻北
漲之夙期後海先河民事谷其大者由吳入越人

情慰彼同然於是儀舉五巡循成例而禁申靡緝
值此籌開七袞罷慶典而祝謝歌謠惟是蠲漕開
科俾士庶各孚所願且更賜金發帑使上下勿耗
其賞與連疆共紓望幸之忱而發軔正逮

祈年之日韻經四疊体踵七言瞻維扶

鳳雲中感春音而增悵爰此鳴鑾郊外隨里鼓以繼賡云

爾

高齡遠馭慮

勞辛

色養由來闕大倫乙酉以還罷斯役

乙酉南巡回鑒以聖母春秋日高難

再奉以遠莅曾諭地方大吏向後不復有所請

三年云滿舉重巡因之俞允諸

臣請

前歲江南浙江督撫以兩省臣民望辛並殷合詞中籲且言河工海塘亦必藉親臨指授遂允其請

於今春舉行惟七旬慶典降旨停止仍普蠲漕糧開鄉會恩科以慰士民之願亦欲行觀夙願

申憶昔迴鑾攀戀衆

江浙羣恭於乙酉迴鑾時依戀之誠極為懇切余非不繫念實不忍

訂以後期今忽忽十六年復舉巡典此日就瞻之民仍多昔日攀留之衆也

即令露冕拊循

民殷哉一体逸圖切小矣七旬慶典陳簪眼歲華過十

六迎人江浙逮書春戒奢崇撲例依舊撫景得詩事又
新廣韻茫然失掖

輦不禁把筆愴懷頻

過盧溝橋

撰吉啟行旌南巡第一程東風石橋嫩積雪野田明燈
節烟村近韶年物象亨春冰猶未解元玉鏡光平

良鄉行宮四疊舊韻

壁薦祈

辛癸東道鼓鳴計里指南江初程不遠午前到饒得餘閒
對碧窓

已不言勞厓衆勞或應諒弗為嬉遨徘徊景却異前度
吟興何由得爾豪

乙酉有言弗重幸

乙酉南巡回鑒曾諭江浙
督撫不再舉南巡之典

民非悉喻

吏知情何當十六年再舉豈我祝

登心弗誠

節前燈火御營南觀罷清陪古月酣恰有盆梅一枝馥

堂堂春信此先探

郊臺

迤邐向南程郊臺觀面呈丙申斯再叩

丙申歲阿柱等
平定兩金川凱

旋時仍視庚辰春兆惠等平定回部凱旋之例行郊勞
禮但庚辰初創規模丙申則臺已甃成其舊設帳次者
亦已為
亭座矣孟月重去聲經行屢獲

帡幪佑敢忘乾惕誠諸藩扈清蹕益切撫柔情

弘恩寺三首

招提枕路陞東道必經斯樹古難論古春時正好時佛

原泯空色僧自重毘尼一十六年閱真如瞥眼馳下院
分潭拓此寺為潭拓
岫雲寺下院傳來守淨規未能忘有執佛以無
著為宗
即守律仍有
所執著也却亦勉無私忍草向陽發禪枝帶籟披華
幢及香鼎仍是

聖慈施

東廂有靜室熟路徑庭知步入齋牀撫坐來窓旭移樸
淳原自好陳設此何為欲疊前番韻前番不可追

涿州行宮作

行館城南茲重

去聲

臨蕭然門逕窈而深嫩苔依砌纔生

色古樹鋪庭未張

去聲

陰撫舊跡惟增慨數消餘閒祇以

清吟遙知南去江鄉景何日能忘此際心

詠鹿行七疊前韻

七言不似五言城短則近體長歌行於此恰宜歌詠鹿
歷歷舊作書壁明城村民象胥溫飽獄訟不興任恤好
籌治蓋亦弗出茲詎在求奇及誇巧不為己甚去其尤
余於地方官民獎病有犯必懲從不肯輒預了事懲必
不肯逆億苛求嘗有詩云不為己甚去己甚總不外此

意勉斯恒以喻衆稠省方展義率由此吉行五十清蹕
留觀燈應節入夕收明朝遂與登程修

紫泉行宮賜隨營諸臣及直隸各官食即席成什
程非遠乃到斯早賜食同招大小臣亦有笙歌呈百樂
却無酒醴事三巡晚來燈火觀先節都以歡娛答始春
回部番官胥令預年班入覲之回部伯克及四川番部頭目等並令扈隨數程俾得與觀燈
節之輝光胷爽澤應均盛

紫泉行宮十詠

敞軒

敞軒都不設窓櫺茲日於茲適可停略弗覺寒微覺暖
尋思俶律正迴青

屏山

堆石當門代屏扇一拳意亦具雄嶠襄陽設使暮逢此
難作柴桑不折腰

鏡湖

滿浦水光尚未融為冰為水本來同唐宗喻別開生面

三鑑意余都在中

舫室

舫廬傍岸却艱行一側篷窗映沼清安福遙知待淮浦
不妨小試此先聲

樓亭

樓亭雅合隱淪居綴景因之此構諸步入自嫌衣履異
欲詢構者意何如

虹橋

曲折扶欄接遠津
豈虹為主豈橋賓
世間名象率如此
幻爾何曾信有真

魚罾

魚罾不啻幾遭吟
曾未烹之試釜鬻
設擬伸舒策中喻
對之惟覺愧於心

石逕

不同蔣宅擬之三
礎礪中間屨步堪
我是小山招隱者
漫嘗捷徑此終南

竹塼

幾個猗猗塼畔扶但看節概迥然殊雲棲謾詡干霄翠
為問斯非君子乎

箭廳

馬射依然步射廢

自臂痛以來騎射尚可借馬力開放
且有命中者步射則因左臂不能支

挂久不
作矣

已看虛擲廿年春箭廳猶自瞻簷額憶古微慙

拊髀人

降旨命免直隸歷年逋賦詩以誌事

經途例免十分三

每巡幸經過地方免額賦十分之三昨已降旨予蠲惟直省尚有積年偏

災借出未完之項并令查明一體蠲免

所弗經應澤並覃稔幸昨年逢以

普灾厘前歲被于南

順德廣平大名天津迄南四府屬前歲被災較重所有因災出借常平

倉穀八萬四千餘石折色銀九萬八千餘兩屯糧豈穀一千二百餘石概予豁免俾無催科之擾

宣無

積欠勞追呼

去聲

率與豁除免負擔

四府因災出借積欠銀穀全予蠲除仍飭

該督等實力妥辦俾閭閻均霑實惠

咨爾長官勤撫字催科漫詡政能堪

賜直隸總督袁守伺

督軍兼理撫民事責重器資特簡諸中外久經勤敬歷

浚河竝賴善防疏

直隸總督兼理河道守備
曾為河東總河故授此任

葺脩行館

猶餘務保障京畿慎匪紓幕府一年凡兩易

昨歲周元
理因升陞

聚衆抗官一業於縣官派累激變袒護不問因罷其任
以楊景素易之乃甫經數月而楊景素又忽以驟病不
起既惜其材更難其選
益塵為君之難耳

掄材宅牧益愁予

趙北口行宮作

烟宮向每此停驂門徑依然舊所諳展拓却看侵浚渚

經營似擬肖江南

趙北口舊有行宮蘇地方大吏又於
浦西拓置軒亭雖肖江南風景然踵

事增華未免侵及浚池地面較
之前時眺覽清曠轉覺不及矣

今來明去何須是踵事

增華信不堪唱始兩人難重

去聲問

增置亭臺乃周元理揚景素所辦然過於

增飾徒費物力使兩人若在本任必當嚴加申飭也

未先諭祇自懷慙

題湛持軒

舊有書軒臨浚池紙窓木榻樸相宜隔溪點綴頗繁矣
未識吾心湛以持

懷清樓有會

層樓我向名懷清雖云即景有深意滄浪寧渠喻玩水
樊吏曰廉非戎事九州四海奉大清胥俾懷之豈易致

是必乾惕整君綱近悅遠來胥化被南巡茲詎圖遊遨
省方所重惟施惠

趙北口行宮西軒作

西軒咫尺臨淀池窻俯清波淼萬頃向喜憑之吟吐詩
恰合天水相與永別斯弗到凡數年來往吾胸愛清境
茲來建置却殊前溪外亭臺修以整迴廊宛轉遮高低
欲因騁目何由騁供觀烟火何須是費畬長此安窮逞
況占淀池為陸地夏漲無所容堪省經始二人弗在斯

在斯未必能逃青

行宮西軒俯瞰浚池渺瀰萬頃足資
騁望是以有天水相與永之頌令周

元理楊景素因欲供觀烟火添置亭臺廊榭既速騁望
更占浚池水道無益而徒滋繁費辦理實為不善二人
設尚在本任未必能辭其咎也博喜徒增風景佳不喜翻謂然風景

趙北口行宮三疊舊作韻

於意有不懌摘詞那得妍居停原似舊建置訝增前

行宮

浦西拓置亭榭既多勞
費且風景遠遜昔時矣

既往事弗究費多心為懸西軒

偶憑憩殊異昔如船

丙子年舊作有虛窓依
碧水不繫得稱船之句

辛未南巡句郵籤記以明祀河酉歲詠

釋真子年評辛未南巡成詩二首後南巡三次皆未疊
額癸酉年因閱視永定河丙子年因撫定
伊犁告功關里經趙北口二疊額皆
非南巡茲南巡三疊舊額亦閱廿餘年矣
陰迅可驚尚存問
來往誠如幻光

安室撫

榻最傷情

鄭州道中作

做裝計里發晨朝格淀長隄千里遙隄上春光何所似
看他漏洩柳枝條

漁村蝸舍大隄西東則平阡綠麥萋物象隨宜四時閱
民艱到處一心稽

土郭猶存古鄭州人家負郭頗稱稠年年四月集藥市
鄭州每歲四月中廟市最甚其地為扁鵲里祀藥王祠
凡各處地道藥材之至京城及北省市售者必集於此
始發
行 風俗應從民便由

思賢村行館再疊舊作韻

思賢名為祀賢祠傍築齋堂宜非宜不號行宮曰行館
用舊作第七
句反其意 欲求論息即論資御營繁重雖減費
地方
大吏

以此地舊無行宮於壬午年添構數楹即可省備帶行
營駢裝之力並可息僉從之勞且所增不過數處因聽
之清暇徘徊慙考詩經以漢明學以宋述之足矣漫更
為

題毛公祠

故里祀毛公傳詩正派通亦看連樸館誰弗曰行宮砌

草蘇輕綠盆梅暈淺紅不教烟火設

節間燈火惟十二至元夕而止又十

九日為燕九節亦仍設之其十六至十八三日則皆命停止示有節也

長此恐安窮

紅杏園五疊前韻

十六載重經不殊前稅輦平遠見樹籠知為紅杏館紅杏紅猶未物固因時顯東風鼓昭蘇蓓蕾仍遲展即境懷其人考古幾間遣厥後更稱誰東平云樂善

景州行館即事言懷

酉年行館備

高年

乙酉南巡地方官以

聖母高年旃廬不及瓦屋之安適因於此建行館數楹以備

憩息閱今十

六年恍惚如夢實不堪追憶矣

閱歲獨來意惘然八景豈重供

懿賞一心無那付哀絃春秋十六空餘憶世界三千幻裏

緣祇有夜深明月上碧霄朗照徹中邊

景州行館八詠

展義齋

有暇臨斯常召見載咨諸大小臣工試思展義於何在
不出數言夏諺中

頤志堂

堂名頤

志更頤誰簷額猶存祇益悲合付晚而弗視耳夜深清夢

戎

逢之

通淶橋

池中橋是不行舟淶水宛看左右流汲井或因工綴景
率難問及水源頭

澹懷室

溫室居然溪水涯僅來一宿澹予懷澹懷祇為去聲塵民

隱寧為臨風琢句佳

延月臺

疊石為梯似洞天
燭玲瓏亦隱婵娟
恰當過望輪遲上
遂一登之意與延

涵虛舫

岸則幾楹肖舫式
亦涵烟水亦乘浮
邈然逸興飛白下
老尹曾留不擊舟

葆光洞

石洞窈深號葆光
葆光其意味來長
詩云衣錦尚之絢

文著由來戒發揚

四照亭

曲徑重茲履步尋坐來四照可供吟聖因一笠名同此
西湖聖因寺行宮內有四照亭此亦如慕蘭也想亦翹然待我臨

微雪

正月二十日

通日東北風情知應有雪雪弗雪皆可積素存郊埭西

南塵河工阻流虞決裂

昨十五日途經雄縣一帶東北風大因河工相距不遠恐逆風

阻流曾降旨詢問阿桂該處是否不致冰凍施工是否尚易為力至今尚未覆奏

行行入齊疆

六花為飄瞥宿麥未萌芽亦無慮凍結未能忘遠愁聊
以詠近悅胥因勤民務君職緣民設

過德州浮橋即事

造舟早是此為梁遵陸南巡茲倣裝北指趙疆猶未遠

東經齊路乃方長已欣去歲登穀寶

昨歲山左秋收極為豐稔撫臣奏報

德州以南均
九分有餘

更看當春茁麥秧接觀諸臣隨扈駕暇應

民務問之詳

駐蹕德州行宮即事

去由陸路歸水路發輟維舟總在茲構築行宮亦已久
休傳清蹕此惟時熙黎葵向誠堪喜江浙輿情率可知
室宇依然景非昔每因把筆引悲思

八依

皇祖德州即事詩韻

赤縣向平遠青齊入境初駐輿纔卓午有暇更觀書

仰繹

虞歌意春溫勝秋肅所幸有收餘萬民率飽燠

德州行宮即事有感

疆吏延諮有餘暇
歷觀題壁祇徘徊
踣停德水緣行慶

舟發津門曾溯洄

丙申年恭奉
安行至德州登陸

聖母自天津水程
從容奉

豫歷

觀前題彌
深追憶

前度歡娛胥幻矣
此番起憶亦徒哉
丙申奉

豫事猶近何事南巡此獨來

降旨免東省逋賦詩以誌事

明知昨歲普豐收
豈之前茲逋賦留
雖已經途例蠲免

更廣欠款細諮諏

時巡經過東省已蠲
本年額賦十分之三
茲復加恩將四十二三四等年

鹿城等二十一州縣災緩未完地丁銀十三萬四千餘兩臨清等七州縣災緩未完常平穀二萬六千餘石社穀二千四百餘石麥種三千二百餘石概予豁免俾民力益得寬紓概寬借廩穀和麥並豁窮丁縣與州庶使閭閻元氣復力田耕作冀登秋

曲陸店行館疊丙申舊作韻

曲陸原平陸始誰顛倒稱館因豫

耆艾義屬祝

岡陵孰謂一番

御

丙申春平定金川告功

閭里地方大吏以此數程

惹

較長 聖母高年理宜安適特於此添置行館

悲終古增徑庭自熟識榻席此重登觸景引繁緒無言
祇拊膺蹟前信已逝事後亦徒懲

醇和堂再疊舊作韻

平原縣行
館內堂名

醇和辛卯額堂名今歲全殊前歲情但使民風常似此
無煩勗督慰斯誠

正月二十三日

聖母三週忌辰感成一律

弗獲躬親謁

泰陵

凡至必先謁

泰東陵祭奠泰陵故云

三

週脩至益悲增四迴戊己前猶述

戊戌己亥兩年均二次親詣泰東陵謁

祭典前此

皇考大事時丁巳戊午二年各兩詣一展謁典禮正同故有一遵丁戊例疎數敢逾吾之句

闕再暮例亦仍

丁巳八月

皇考二週諱忌時李衛

為直隸總督力陳以未緣在地且拒馬河

秋漲異常不能支橋故未得躬謁

泰陵然其後亦

曾秋過拒馬河始悟李衛之言不誠也

今歲值聖

母三週以南巡啟蹕應於五月初旬至京方不悞殿試

北郊諸典故不獲躬謁

泰東陵撫今追昔

情事略同

益深感慕

西北那堪凝望眼淒涼惟是恨填膺行宮多有奉

遊句翹首瞻吟痛不勝

賜山東巡撫國泰

向稱

去聲

旬宣任令除鎮撫權大東資保障萬姓賴安眠

李洞送中丞詩六州

安撫後萬戶解衣眠

經理田功悉勤劬蹕路邊橋同梓

建節

國泰父文綬現任四川總督昨適入覲
因諭令國泰星速來京俾其父子相見

其善凜冰

淵

齊河縣行館三疊舊作韻

祝阿復此一宵居行館逐程堪駐輿雖曰奉宸心切爾

可知圖逸事慚予庭前已閱三番景

此間行館構於乙酉春辛卯丙申及

今凡三至此地

壁上惟消幾幅書大吏小僚都扈蹕疊宣民隱

細畧諸

題晏子祠

管晏從來傳並美管多實蹟晏虛稱二桃艷說殺三士
除暴雖佳機詐增

西南風

昨每東北風似於行程為順適今朝西南風却於行程

為偏逆人情惡逆而好順好令惡昨予情易宣其好惡
異乎人緣有心中別籌畫河工今逮放溜時昨阿桂奏
引河已挑
至六分以上月內完竣即可開放若借西南風勢逼
溜直射入引河實為事半功倍惟願望喜音之至耳東
北風阻西南射借勢供波歸引河事半庶幾功倍翕路
塗塵壒乃其常西南企望喜音獲

七依

皇祖南巡過濟南韻

昔曾一駐濟南城過弗入徒餘恨生

戊辰春駐濟南
孝賢皇后於此

疾遂至不起因不忍復至其地後蹕途屢經率皆徑過

卅至近塗祇嫌遠卅年別

意未能平夏秋登以三農慶婦子寧還百堂盈何異向
臨北闔見華不直峙鵲山橫

填倉日作

此日值填倉郊行歷覽詳幸民無菜色即我飽饑腸數
聲上節忘風雅堆場有蓋藏千村逢此象額手為民慶

宿長清縣行館

行館新成舊

辛卯年即有此

恰當一宿程那忘憶

昔念益切慕

捲情有暇惟勤勅安民戒屢更因思弊吏法未易曰長清

靈巖寺五疊前韻

事用長卿後知誤

向以劉長卿靈巖寺西入石路為即此處曾用長卿韻凡四疊丙申春駐

此偶檢劉詩題乃過林麓山寺詩中復有湘水語知在楚南所作前此以其亦係西入石路遂致沿訛因作詠事詩辨蹟傳元樊昔稱靈原由西入非其路長卿尚自右定之

存是此亭

元樊

院栢又經三載別

丙申東巡曾駐此

山泉仍俯一

泓渟令宵小駐明朝去無暇呼僧叅色形

六題靈巖八景

巢鶴巖

高士此山當日開巢居雲有鶴相陪方山本異遼東境
丁令知他何事來

甘露亭

小亭泉上俯石竇甘露為名樂泌洋不涉世間稱瑞事
皇山應笑米襄陽

卓錫泉

卓錫猶傳經佛圖六神通越世間無雖然更有欲咨者

四句金剛亦識手

謂金剛經色見聲求四句偈

摩頂松

西枝東指是誰為僧自歸來松豈知設以此傳元奘異
質之元奘定遭嗤

鐵袈裟

鐵否石乎半信疑伽梨路畔是誰遺朗公設向澄公問
一笑還成兩不知

白雲洞

北洞偏居絕頂峰
巍然小坐膝堪容
攀躋早是人艱到
漫倩白雲一片封

雨花巖

維摩室裏文殊問
曰致曼陀落雨知
有著者還無著者
天花未免涉分疏

愛山樓

七景錯羅行館外
一樓迴據石牆中
愛山原括其餘矣

却以憑窓靜會通

宿方山

我宿方山率有詩此來七字可無之承

歡侍笑嗟非昔抹月批風又一時勝處忘憂那能忘去聲箇

中宜詠信相宜歷年舊作聯新句補闕聊因勉綴詞

詣

岱廟瞻禮

前歲丙維新奉

祝釐何當獨謁值今斯代

天出震惟生物行令巡南致叩寅漢栢唐槐都好佑民

福國賴

延禧於心更復無他籲所籲屢綏暘雨時

體元堂疊丙申韻

書堂仍此駐責實愧循名本是承

歡處云何成獨行對其景如非咎我祝非誠

舊作有還申介壽誠

之觸緒無佳會摘詞多戚情便程宿此夕啓駕定於明

設論體元義義經訓已精

過泰山十依

皇祖詩韻

六十一年君道煥

高如泰岱孰齊頭

仁心仁政恒垂永

實行去聲實言務去浮峻極至今存七字

鴻庥萬古被諸州不禁即境增鑽仰從實末由意遲去聲留

十全令果酬前韻

丙申登泰山有十全有待再吟留之句令果十依皇祖元韻惟彼時

作詩之意弗獲如願不堪追憶亦不忍仰瞻耳 晚弗視之祇俛頭豈謂祝

釐誠未久旋成

永別幻如浮徒因民願巡吳郡便以途遵過嶽州四字賡

來各已廿再經不擬重去聲詞留

四賢祠行館

逐程行館足盤旋傍有藪詞祀四賢恰喜昭蘇方孟月

忽驚俯仰異當年稱其孫

復石介

應聲耳略彼孔

道輔胡

環異趣焉論古由來戒深索欲長善善此思旗

渡汶河再疊壬午舊作韻

夾岸萌青有嫩蕪方春醞釀未云都長橋猶是卧波接
兩界何曾隔省殊迎蹕民情親且切鳴鞭途景直非紆
西流分水各南北濟運真資奕世模

於中水行宮作

行館成辛卯再題憶丙申斯來乃三度往事祇增顰飲
恨無能避承

歡何處循顏齋曰致本

向所題行宮內齋名

致本在思

親

麥色

麥色南來日日深嫩青新綠露珠斟潤因消盡融融玉
暖以催成簇簇金奚啻鳴鞭悅乎目真教亞壠慙於心點
藜隨馬相蹂躪不忍禁去聲之惜不禁

至泉林六疊舊作韻

韻賡六疊來七度昔歲今時歷歷明最絕塵區石泉泌

無雙畫境曉春晴
砌苔向日暖相送
庭樹識人意與迎
欲罷不能勉摘句

東廂瞻望若為情

丙申

曲阜近瞻禮弗重

去聲

蒞因徑此來原有在川留

聖蹟可無一宿寓
翹陪山容水態誠佳矣
箋擘毫揮却懶哉
明曉便當催轡去
耽乎勝景漫遲徊

賜扈蹕反山東大小諸吏食因得句

晦日韶春馬上逢泉林勝處駐鑾重適因到早羣僚召
聊以酬勞扈蹕從雖是笙簧有雅奏未如山水足清供
翰臣賡韻原常例沈宋寧須較景龍

七題泉林行宮八景

近聖居

行鑾復此駐春朝

闕里西瞻路不迢佔畢孰非近

聖者得門或寡漫逍遙

在川處

此處猶傳

子在川如斯不舍幾千年會其趣寓會其理豈是尋常
賞石泉

鏡瀾榭

不波得照波艱照水榭云何稱鏡瀾程子書明詮此理
靜中定合動中觀

橫雲館

月漾廊圍三加館北堂咫尺

昔棲遲

館北為聖母昔年駐宿所

那能撫景成新賞真是望雲引舊

悲

九曲約

卧波長約曲成九夾岸綠楊若相

去聲

招問景莫嫌屨步

遠越因曲折越神超

柳烟坡

嫩綠初看拂籟輕春烟一片忽來橫設無此意為搖蕩

宰地長條有底情

古蔭堂

樹古由來蔭亦古
銀雲櫛櫛滿庭鋪
重經此後引遐想
種樹人還識此無

紅雨亭

茲來復匪放花時
亭畔徒看突兀枝
恰合明晨清蹕去
對紅雨或引嗟咨

雨

二月
朔日

徹夜陰晴互相間

去聲 昨
夜駐象林

雨絲雪粒曉來濃晨寒颯

颯輕輿度午暖霰霰沿路逢時密時疎霑四寸

是日行
經費縣

自寅至未先雪後雨疎密相間詢之
國泰云入土四寸於麥苗大為有益

既優既渥悅三農

最高自合氣凝冷玉積蒙山三兩峰

望蒙山四疊舊韻

雪而繼雨不同同謂勝前番此度中

乙酉望蒙山有將
謂其雪昔歲同不

期孤望此行中之句以前三度經此皆遇雪乙酉則正
望澤也此次則雪後繼雨且入土四寸尤為霑足不特
遠勝乙酉并
逾前三度矣望澤未深真及節以亨當去聲可是為蒙翠

圍野郭均各潤素積遥巖弗動風此實應欣愁則底合

龍忽縫速成功

昨阿桂等奏引河工程已有八分河水一經蓄高月內即可開放以為堵合之

計今已仲月之朔而喜信尚未至縫望因之益切耳

註經臺行館六韻

幾宇叢祠野甸隅康成往蹟試評乎賈生以後殊董子

漢儒首稱賈董然賈以治安策董以天人三策及春秋繁露未嘗註經也其餘註經家史稱其守文之徒滯固所秉異端紛紜疑而莫正惟康成括囊大典網羅衆家刑裁繁誣刊改漏失自是學者略知所歸云云是康成在漢儒中最為有功經學以秦火之餘賴漢儒一室操視賈董正復難為優劣也

戈多異論出奴入主不同趨網羅喜爾猶精核囊括刪
他有藏蕪學者識歸洙泗路行人欣遇費蒙途何來館
舍於傍建不說事成深慙去聲吾

萬松山行館駐蹕作

北則田盤南則杭一為佛守

盤山萬松寺

一為嶺

西湖萬松嶺

此

山亦名曰萬松栢多松少名弗稱

叶

循名責實夙性然

更因齊物觀平等細尋童童祇兩株亦覺落落宜新境
有招提弗事莊嚴傍為行館樸而整乙酉於斯乃初駐

十六春秋過以猛幾餘小坐憑昔窓一聲定磬發清省

晴

通日每作雲郊行覺陰寒徐看綠野潤麥苗抽翠攢今
曉雲散淨扶桑湧朱丸宜暘同農慰利旋知衆歡一念
弗已為去聲諸務因民觀傍午頗覺暖遂與易征鞭露冕
愜瞻願老幼隨並肩固知非強為如保心益礪

問官里行館詠事

郊子當年魯附庸

郊子朝魯後人遂以為魯附庸其實
不見經史蓋如任與顓臾之屬耳

那能近百里提封

附庸不能五十里今自問官里至鄧城幾及百里則鄧之提封安得如許

之廣且所云問官里亦未必果即此地或後人遷就附會未經核實耳

廟朝少皞官述悲

園去由旬里計重

梵經四十里為一由旬

何事邊傍行館築更兼

點綴曲池溶雖云圖省駝裝費

上四次南巡經註經臺問官里均御行營茲按

撫復於兩處添構行館雖以駝裝省費為辭然因一宿又煩添建兩行館於心究未釋然也


舍欲為

辭媿鮮悰

鄧子園再疊舊作韻

今朝駐魯境明日入吳墟鄧子名猶在金天蹟緬餘園

因述古彼館以懋春予淳樸為佳矣華紛奚事諸惟民
之切耳是我所殷於有暇憑渠几成吟即便書



欽定南巡盛典卷十五